

novine Federacije BiH", broj 49/06 i 51/09), člana 27. Zakona o privremenom korištenju javnih površina na području Kantona Sarajevo ("Službene novine Kantona Sarajevo", broj 20/04, 26/12, 32/12 i 24/15) i člana 26. Statuta Općine Stari Grad ("Službene novine kantona Sarajevo", broj 20/24), Općinsko vijeće Stari Grad Sarajevo, na 3. redovnoj sjednici održanoj dana 30.01.2025. godine donijelo je

ODLUKU

O IZMJENAMA I DOPUNAMA ODLUKE O PRIVREMENOM KORIŠTENJU JAVNIH POVRŠINA NA PODRUČJU OPĆINE STARI GRAD SARAJEVO

Član 1.

U Odluci o privremenom korištenju javnih površina na području Općine Stari Grad Sarajevo ("Službene novine Kantona Sarajevo", broj 14/24, 22/24, 25/24 i 32/24), u članu 4, iza stava (3) dodaje se stav (4), koji glasi:

"(4) Odobrenje za privremeno korištenje javne površine može se izdati u slučaju da ista predstavlja isključivi pristup vjerskom objektu, za redovne aktivnosti, ukoliko isto dozvoljavaju prostorne mogućnosti, a što će u svakom konkretnom slučaju cijeliti služba koja donosi rješenje."

Član 2.

U članu 6. iza stava (2) dodaju se stav (3) i stav (4), koji glase:

"(3). Zahtjev za privremeno korištenje javne površine podnosilac je dužan podnijeti najkasnije 20 (dvadeset) dana prije početka korištenja javne površine, ako ovom Odlukom nije drugačije određeno.

(4). Izuzetno organ može prihvatiti zahtjev podnesen nakon roka predviđenog stavom (3) ukoliko postoje opravdani razlozi za propuštanje roka. Opravdanost razloga će se cijeliti u svakom konkretnom slučaju."

Član 3.

Član 57. se mijenja i glasi:

"Član 57.

(Posebni uslovi za postavljanje prodajnih stolova ispred poslovnih prostora)

Ukoliko se postavljaju prodajni stolovi ispred poslovnog prostora za izlaganje i prodaju robe ukupna površina privremenog korištenja javne površine je ograničena na način da udaljenost navedenih sadržaja od poslovnog prostora ne može biti veća od udaljenosti definisane Elaboratom zauzimanja javnih površina i saglasnostima izdatim od strane Ministarstva saobraćaja Kantona Sarajevo, a sve u skladu sa prostornim mogućnostima."

Član 4.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-45-93/25
Januara 2025. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 26. Statuta Općine Stari Grad Sarajevo ("Službene novine Kantona Sarajevo", broj 20/24), i člana 2. tačka c) i člana 24. Odluke o

organizaciji sistema parkiranja na javnim parking površinama Općine Stari Grad Sarajevo Sarajevo ("Službene novine Kantona Sarajevo", broj 24/24) i Odluke o utvrđivanju cijena po zonama za dodjelu parking mjesta davaocu komunalne usluge na području Općine Stari Grad Sarajevo ("Službene novine Kantona Sarajevo", broj 28/24), Općinsko vijeće Stari Grad Sarajevo na 3. redovnoj sjednici, održanoj dana 30.01.2025. godine, donijelo je

ODLUKU

O DODJELI PARKING PROSTORA U ULICI TEKIJA ČIKMA JAVNOM KOMUNALNOM PREDUZEĆU "OPĆINE STARI GRAD" D.O.O.

I - OPĆE ODREDBE

Član 1.

(Predmet)

Ovom Odlukom uređuju se uvjeti, kriteriji i naknada po kojoj se dodjeljuje parking prostor na zemljištu označenom kao k.č. broj 2037/1, k.č. broj 2045/2 i k.č. broj 2045/3 (katastarski podaci), a što po gruntovnim podacima odgovara dijelu k.č. broj 51 mahala XXXVIII k.o. Sarajevo, dijelu k.č. broj 133 i dijelu k.č. 148 mahala XXXIII k.o. Sarajevo, u ulici Tekija Čikma Javnom komunalnom preduzeću "Općine Stari Grad" d.o.o. (u daljem tekstu: JKP "Općine Stari Grad" d.o.o.).

Član 2.

(Formiranje parking prostora)

Parking prostor na zemljištu označenom kao k.č. broj 2037/1, k.č. broj 2045/2 i k.č. broj 2045/3 (katastarski podaci), a što po gruntovnim podacima odgovara dijelu k.č. broj 51 mahala XXXVIII k.o. Sarajevo, dijelu k.č. broj 133 i dijelu k.č. broj 148 mahala XXXIII k.o. Sarajevo, formiran je shodno Programu parkiranja na ulicama - Elaboratu izrađenom od strane Fakulteta za saobraćaj i komunikacije Univerziteta u Sarajevu, na koji je pozitivno mišljenje dalo Ministarstvo saobraćaja Kantona Sarajevo, a koji je usvojen od strane Općinskog vijeća Stari Grad Sarajevo, te je utvrđeno ukupno 30 (slovima: trideset) parking mjesta.

Član 3.

(Dodjela parking prostora)

(1) Dodjeljuje se parking prostor JKP "Općine Stari Grad" d.o.o. na zemljištu označenom kao k.č. broj 2037/1, k.č. broj 2045/2 i k.č. broj 2045/3 (katastarski podaci), a što po gruntovnim podacima odgovara dijelu k.č. broj 51 mahala XXXVIII k.o. Sarajevo, dijelu k.č. broj 133 i dijelu k.č. broj 148 mahala XXXIII k.o. Sarajevo, na korištenje uz prava JKP "Općine Stari Grad" d.o.o. kao davaoca komunalne usluge, koje je registrovano za obavljanje djelatnosti i to čija je pretežna djelatnost društva 52.21 - Uslužne djelatnosti u vezi s kopnenim prijevozom, na period od 12 (dvanaest) mjeseci, uz mogućnost produženja.

(2) Shodno odredbama stava (1) ovog člana i ove Odluke između Općine Stari Grad Sarajevo i JKP "Općine Stari Grad" d.o.o. zaključit će se ugovor kojim će se regulisati međusobna prava i obaveze, u roku od 30 (slovima: trideset) dana od dana stupanja na snagu ove Odluke.